

WAT IS DIE
BEGROTING?

Jaarliks, gedurende Februarie, kondig die Minister van Finansies die regering se spanderings-, belasting-, en leningsplanne vir die volgende drie jaar aan. Dit word die Nasionale Begroting genoem. Die Nasionale Begroting verdeel geld tussen nasionale departemente, provinsies en munisipaliteite.

2



1. Boodskap van die minister
2. Vinniger ekonomiese herstel
3. Beskerm maatskaplike toelaes
4. Maatskaplike toelaes

3



1. Naskoolse onderwys en opleiding
2. Waar geld vandaan kom
3. Hoe sal die geld bestee word
4. Befondsing van munisipaliteite

4



1. Inkomstebelastingwysigings
2. Sondebelasting
3. Belastingkoerse
4. Suikerbelasting

ONS BLY BY ONS VERBINTENIS OM DIE EKONOMIE OP DIE REGTE PAD TE PLAAS

Die regering sal in vennootskap met die privaatsektor in infrastruktuur

Die 2016-Begroting bevestig die regering se verbintenis om die gaping tussen besteding en inkomste kleiner te maak en om 'n plan vir sterker ekonomiese groei te implementeer.

Dit gaan daaroor om by ons planne te bly ten spyte van toenemende uitdagende omstandighede. Die regering se oogmerk is om ondoeltreffende besteding uit te skakel en om uitgawes op nie-kritiese items te verminder, om dienslewering vol te hou en sterk openbare finansies te handhaaf.

Reeds vir 'n aantal jare was Suid-Afrika se ekonomiese groei nie sterk genoeg om indiensneming aan te moedig, belegging te bevorder en staatskuld te verminder nie. In die afgelope maande het die situasie verder agteruitgegaan terwyl verwagtinge vir groei verminder het, die rand gedepresieer en besigheids- en verbruikersvertroue gedaal het.

Ekonomiese groei was 1.3 persent in 2015 en sal na verwagting na 0.9 persent in 2016 daal voordat dit na 1.7 persent in 2017 en 2.4 persent in 2018 toeneem.

Die lae ekonomiese groei lei tot laer belastinginkomste. Die gaping tussen staatsbesteding en inkomste staan op 4.2 persent van die BBP in 2015/16. Besteding het inkomste oortref want die regering het met diensleweringprogramme voortgegaan ten spyte van swak ekonomiese prestasie. In daardie periode het die skuld geleidelik toegeneem.

Oor die volgende drie jaar sal die regering die bestedingsplafon verlaag, belastinginkomstes verhoog, en die grootte van die werksmag van die regering bestuur, wat 'n groot bron van uitgawe is. Om dit te bereik sal die regering vergoedingsbegrotings verminder met R10 miljard in 2017/18 en

projekte, onderne-
merskap,
vaardigheidsont-
wikkelingsprojekte
en die onafhanklike
kragprodu-
sentprogram, wat
kragvoorsiening
sal laat toeneem,
belê

R15 miljard in 2018/19. 'n Addisionele R48 miljard in belastingsinkomste sal oor die volgende drie jaar verhoog word deur belasting aan te pas en belastinginvordering te verbeter.

Alhoewel die bestedingsplafon verlaag word, sal dit steeds matig groei. Maatskaplike toelaes is

beskerm en kern maatskaplike en ekonomiese programme sal instand gehou word.

Die land benodig vinniger inklusiewe ekonomiese groei om sy ontwikkelingsdoelwitte te bereik en sy openbare finansies te verbeter. Hierdie soort groei is afhanklik van verhoogde vlakke van vertroue en belegging deur die privaatsektor. Dit sal bereik word deur verbeterde samewerking tussen die regering en die sakesektor. Die regering sal in vennootskap met die privaatsektor in infrastruktuurprojekte, ondernemerskap, vaardigheidsontwikkelingsprojekte en die onafhanklike kragproducentprogram, wat kragvoorsiening sal laat toeneem, belê. Hierdie vennootskap met die privaatsektor, 'n groeiende toerismesektor, minder arbeidsonrus en beter wêreldwye groeitoestande behoort 'n oplewing in ekonomiese groei oor die medium termyn te ondersteun ■



UITBREIDING VAN TOEGANG TOT NASKOOLSE ONDERWYS EN OPLEIDING

Uitbreiding van toegang tot hoër onderwys bly 'n prioriteit vir die regering ten einde die vaardighede te voorsien wat nodig is om poste te vul en die ekonomie 'n hupstoot te gee.

Die behoefte om die uitdaging van die befondsing van hoër onderwys aan te spreek is na vore gebring na studente-opstande by universiteite landswyd. Ná die aankondiging dat daar geen verhogings in 2016 sal wees

nie, het President Zuma 'n taakspan aangestel om ondersoek in te stel oor hoe die uitdagings aangespreek kan word en moontlike oplossings voor te stel. Die geen verhoging in fooie vir 2016 het 'n R2.3 miljard tekort tot gevolg gehad, wat deur middel van bydraes van die regering en universiteite gefinansier sal word.

Sedert die ontstaan van die Nasionale Studente Finansiële Hulpskema (NSFHS) in 1991, is

1.5 miljoen studente uit arm agtergronde met R50 miljard in lenings en beurse vir universiteit en beroepskolleges, bygestaan. Die NSFHS befondsing sal R32.1 miljard oor die mediumtermyn beloop. Sowat R8 miljard sal huidige onbefondsde nuwe en voortgesette studente ondersteun en R2.5 miljard sal verligting aan 71 753 universiteitstudente bring wat nie in staat was om lenings tussen 2013 tot

2015 te kry nie. Hierdie addisionele befondsing word moontlik gemaak deur die verskuiwing van fondse weg van ander regeringsprogramme sowel as kostebesparingsmaatreëls in die departement.

Hoëronderwysinstellings sal subsidies van R93.1 miljard oor die volgende drie jaar ontvang met 'n gedeelte daarvan wat vir die finansiering van infrastruktuur en die bedryf van die nuwe Universiteit van Mpumalanga en Sol Plaatje Universiteit aangewend sal word.

Die Nasionale Vaardighedsfonds en Sektorale Onderwys- en Opleidingsowerhede (SOOO) speel ook 'n belangrike rol in die voorsiening van vaardighedsontwikkeling en opleiding. Dit word hoofsaaklik gedoen deur vaardighedsprogramme, leerlingskappe, internskappe en vakleerlingskappe, en vennootskappe met beroepskolleges, universiteite en die arbeidsmark, om studente te voorsien van geleentehede om ervaring in die werkplek te kry. Inkomste uit die vaardighedsontwikkelingsheffing word direk aan die SOOO en die Nasionale Vaardighedsfonds oorgedra, en sal R22 miljard teen 2018/19 bedra ■

WAAR DIE GELD VANDAAN KOM



Die grootste gedeelte van die geld wat die regering bestee is afkomstig uit die Nasionale Inkomstefonds, hoofsaaklik deur belastinge en heffings.

Die regering leen ook van beleggers, sodat skole, hospitale en beter paaie gebou kan word. As gevolg van die wisselvallige ekonomiese groei en belastinginvorderings wat onder

druk kom, het die regering lenings in die afgelope jare verhoog. Net skuld het van R673 miljard in 2009/10 tot R1.8 triljoen tans verhoog.

Die regering is deeglik bewus van die risiko's wat verband hou met opgehoopte skuld en verwag gevolglik van departemente om meer doeltreffend met openbare fondse te werk en vermorsing te verminder ■

BELASTINGINKOMSTE	2016/17	%
PERSOONLIKE INKOMSTEBELASTING	441.0	37.5
KORPORATIEWE INKOMSTEBELASTING	198.3	16.9
BTW	301.3	25.6
DOEANE BELASTING	54.0	4.6
BRANDSTOFHEFFINGS	64.5	5.5
ANDER	115.7	9.8
TOTAAL	1 174.8	100.0



HOE BEFONDS DIE REGERING MUNISIPALITEITE?

Munisipaliteite speel 'n belangrike rol om te verseker dat mense in behoorlik gedienste, skoon en waardige stede en dorpe woon.

Hulle voorsien dienste soos water en sanitasie, elektrisiteit, vullisverwydering, stormwaterbestuur en straatbeligting en subsidieer sommige hiervan, vir die armes. Van die totale begroting, word

9.1 persent aan munisipaliteite toegeken. Hulle ontvang 'n kleiner aandeel omdat hulle self inkomste invorder deur middel van verbruikerskoste, heffings en belastinge. Die grootste oordrag is die plaaslike regering billike deel, wat gebaseer is op 'n formule wat verseker dat arm en landelike munisipaliteite groter oordragte ontvang. Munisipaliteite ontvang ook voorwaardelike toelaes, wat infrastruktuurbouwerk befonds ■

